

Londres

Aqueste dia que vau tà Londres, a la capitala deu Reiaume-Unit tà véder Big Ben. Après que vau véder la Reina Elizabeth a Buckingham palace. Qu'espèri que'm convidarà a préner lo tè dab era !

Après lo tè, que preni un batèu tà'm passejar sus la Tamisa.

Drin mei tard, que passi devath lo Tower Bridge.

Quin dia de holia, ne sèi pas si poderèi tot véder, tot visitar.

Que soi flac, que se'n va temps de dromir, direccion l'ostalaria, tau Lucky tà ua bona nueit de som.

Dejà lo matin, que'm lhèvi e que preni un bon esdejuar a l'anglesa, hastiau !! A jo que m'agrada mei las lescas de pan dab burre e confitura e la lèit de casa...

Rai, que preni lo tube tà m'anar passejar au Hyde Park, b'ei agradiu de bon matin aquera frescor sus las gautas meas.

E si anavi har un torn au zoo de Londres, véder los lions, las girafas, los tigres, los elefants... Lo vrèspe que preni lo bus, un bus a dus solèrs, un Royal Beasts, tà visitar Londres d'en haut e tà poder véder lòcs on ne poderèi pas préner lo temps de visitar. Lo ser, que corri dinc a la London Eye. Quina vista d'ací en haut, que vedi tot Londres e de nueit en mei, qu'ei enqüèra mei miravilhós que çò que pensavi, aqueras colors, aqueths monuments, que me'n hiqui plen los uelhs ! Dus dias de passats e que devi déjà tornar a casa mes n'èi pas avut lo temps de tot véder, lo temps que passa tròp viste... lhèu que tornaram en classa descobèrta dab la regenta.